

इवनिंग डोगरी न्यूज बुलेटिन

समै-18:15 Hrs

<><><><><><>

Headlines

1. राष्ट्रपति द्रौपदी मुर्मू होरें आखेआ ऐ जे देसैं दी आत्मनिर्भरता ते रक्षाखेतर च सामरिक महत्वैं आहले समझौते भारत दी आलमी सांझ-भ्यालिएं गीमजबूती देडन।
2. संसद दा स्याले आहला इजलास मुक्की गोआ ऐ। लोकसभा ते राज्यसभा दीकारवाई अनमित्थे समैं लेई स्थगित।
3. बजट कोला पैहले आहले सलाह-सुतर लेई लाई जाने आहली बैठक चहिस्सा लैने गितै मुखमंत्री ओमर अब्दुल्ला जैसलमेर जाने शा पैहले अज्ज जोधपुर पुज्जे।
4. उपमुखमंत्री सुरिंदर चौधरी होरें पैहली-पैहली आईटी प्रदर्शनी दाउद्घाटन करदे होई डिजिटल साक्षरता दे महत्वैं पर जोर पाया।
5. मौसम विभाग नै अगले 7एं दिनें दरान जम्मू-कश्मीर च कड़ाके दी ठंड पौनेते जबरदस्त सीत लैह दी भविक्खवाणी कीती ऐ।

<><><><><><>

President

राष्ट्रपति द्रौपदी मुर्मू होरें अज्ज इक औपचारिक समारोह च सिकंदराबाद च प्रतिष्ठित कॉलेज ऑफ डिफेंस मैनेजमेंट गी राष्ट्रपति ध्वज कन्नै सम्मानित कीता। राष्ट्रपति दा ध्वज कुसैं बी संस्थान दी बवसायिक उत्कृष्टता दा प्रमाण ऐ। इस मौके बोलदे होई राष्ट्रपति होरें रक्षा खेतर च देश दी आत्मनिर्भरता ते रणनीतिक सांझेदारी ना छड़ा देश दे बन्ने दी राक्खी करोग बल्कि एहदी रणनीतिक वैश्विक सांझेदारी गी बी मजबूत करोग। राष्ट्रपति होरें अगगे आखेआ जे सरकार नै रक्षा उद्योग च स्वदेशी क्षमताएं गी बदाने लेइ मेक इन इंडिया, बपार करने च सौख ते रक्षा उद्योग गलियारे दे विकास जनेई पैहल कीती ऐ।

<><><><><><>

Parliament Adjourned

संसद दे दौनें सदनें दी कार्यवाही च गी अज्ज अनमित्थे समें लेई विसर्जित करी दिता गेआ ऐ। अज्ज बड़लै जि'आं गै लोकसभा दी कार्रवाई शुरू होई तां बरोधी धड़े दे सदस्ये डाक्टर बी.आर. अम्बेडकर होरें'गी लेइयै कीती गेदी गृह मंत्री हुंदी कथित टिप्पणी दे बरोध च नारेबाजी शुरू करी दिती। शोर-शराबे ते डंड-रौली दे दरम्यान स्पीकर ओम बिरला होरें सांसदे गी गुजारिश कीती जे ओह नियमें दी सख्ती कन्नै पालमा जकीनी बनान ते संसद दे कुसै बी गेट पर प्रदर्शन नेई करन। संसद दी कार्रवाई गी अनमित्थे समें लेई विसर्जित कीते जाने शा पैहले इक राश्ट्र-इक चुनांस कन्नै सरबन्धत दौनें विधेयके गी संसद दी सांझी समिति कश भेजी दिता गेआ। राज्यसभा च बी हंगामे ज्नेय हालात गै बने दे रेय जिस करी सदन दी कार्रवाई गी पैहले दपैही 12 बजे तगर लेई स्थगित करना पेआ। बड़लै राज्यसभा च बरोधी सांसदे ते सत्ता पक्ष दे सांसदे इक-दुए दे खलाफ नारेबाजी कीती। सभापति जगदीप धनखड़ होरें उनें'गी गुजारिश कीती जे ओह आम लोकें दे विश्वास ते आसें-मेदे दा मान रक्खन ते सदन दी कार्रवाई गी चलन देन। हंगामे आहली स्थिति जारी रौहने पर सभापति होरें सदन दी कार्रवाई गी दपैही 12 बजे तगर स्थगित कीता। दपैही जिसलै सदन दी बैठक फही लग्गी तां इक राश्ट्र-इक चुनांस कन्नै सरबन्धत बिधेयके बारे संसद दी सांझी समिति लेई 12 सदस्ये गी नामजद करने दा प्रस्तास पेश कीता गेआ।

<><><><><><>

Dogri (Byte)

डोगरी मान्यता दिवस आहले समारोहे दे इक हिस्से दे तौर उप्पर जम्मू युनिवर्सिटी दे डोगरी विभाग आसेआ डुग्गर संस्कृति, खान-पान ते लोक नाच वगैरा पर आधारित इक खास कार्यक्रम दा आयोजन कीता गेआ। डोगरी दे मन्ने-परमन्ने दे लखारी ते पद्मश्री कन्नै सम्मानित श्री मोहन सिंह होर इस कार्यक्रम दे मुख परौहने हे। डोगरी विभाग दिएं प्रमुख सुचेता पठानिया होरें इस मौके सोआगती भाषण दिता। कार्यक्रम च प्रोफेसर सुषमा शर्मा, असिस्टेंट प्रोफेसर पद्म देव सिंह ते वरिष्ठ रेडियो प्रसारक जगमोहन शर्मा होर खास तौरा पर मजूद हे। इस मौके बोलदे होई पद्मश्री मोहन सिंह होरें गलाया

<><><><><><>

World Meditation

कल पैहली बारी विश्व ध्यान दिवस मनाया जाग जेड़ा जे राश्ट्रे च कल्याण, शांति ते जागरूकता गी बढ़ावा देने दी आलमी पैहल दा प्रतीक ऐ। इस म्हीने दी शुरूआत च संयुक्त राश्ट्र महासभा नै सब्बनें दी सहमति कन्नै भारत आसेआ सह प्रायोजित इक प्रस्ताव गी अपनाया जिस च 21 दिसंबर गी विश्व ध्यान दिवस दे रूपे च नमित कीता गेआ। एह ऐतिहासिक कार्यक्रम इस सदिये पराने प्रथा दे सलाना वैश्विक उत्सव दी शुरूआत दा प्रतीक ऐ जेड़ा शारीरिक ते मानसिक स्वास्थ्य ते कल्याण लेई एहदे लाह करी मनाया जाग।

<><><><><><>

स्कास्ट जम्मू दे जैविक ते कुदरती खेती लेई केंद्र नै साम्बा दे कृषि विज्ञान केंद्र कन्नै रलियै जैविक ते कुदरती खेती उप्पर इक दिनै दी सिखलाई ते जागरूकता कार्यक्रम दा आयोजन कीता। एह कार्यक्रम पूरे-पराते राई-बाई विकास कार्यक्रम परियोजना तैहत विकल्प आहले राई-बाई तंत्र पर टिकाउपन लेई कीता जा'रदा ऐ। कार्यक्रम दा मकसद मकामी महिला करसाने गी इस ताई जानकारी बनाना ते सशक्त करना हा। स्कास्ट जम्मू दे वाइस चांसलर प्रो. डॉ. बी.एन त्रिपाठी हुंदी अगुवाई च एह सिखलाई दिती जा र दी एण्े। कार्यक्रम दा उद्घाटन साम्बा दे केवीके हेड प्रो. संजय खजूरिया होरें कीता। इस कार्यक्रम च 50 कोला मतियें महिलाएं हिस्सा लैता। आकाशवाणी संवाददाता कन्नै गल्ल करदे होई साम्बा दे प्रो. प्रशांत बखशी होरें आखेआ।

<><><><><><>

CM Omar -Jaisalmer

खजाना मंत्री निर्मला सीतारमण हुंदे आसेआ बजट शा पैहले आहले सलाह-सुत्तर लेई लाई जाने आहली बैठक च हिस्सा लैने गितै मुखमंत्री ओमर अब्दुल्ला होर जैसलमेर जाने शा पैहले अज्ज जोधपुर पुज्जे। मुखमंत्री होर राज्यें ते केन्द्र शासित प्रदेशें दे प्रतिनिधिं कन्नै जीएसटी काउंसल दी 55मीं बैठक च हिस्सा लैडन जिस दरान ओह अगले माली ब'रे च जम्मू-कश्मीर लेई सुद्दी माली ग्रांट गितै जोर भरडन। जोधपुर पुज्जने पर ओमर हुंदा निग्गा सोआगत कीता गेआ। इस सरबंथै च बोलदे होई उनें आखेआ जे केन्द्री खजाना मंत्री हुंदे कन्नै लग्गने आहली बजट शा पैहले सलाह-सुत्तर आहली बैठक उंदे लेई बडी महत्वपूर्ण कीजे इस दरान ओह जम्मू-कश्मीर दे कारोबारी समुदास, बपारिं ते दस्तकारें दिं जरूरतें गी उजागर करडन। उनें आखेआ जे ओह अपने खत्ते दिं माली चैतां गी पुट्टने गी कन्नो-कन्नी प्रदेश दे विकास लेई लोडचदी नीतिं गी समर्थन देने दी हिमायत बी करडन।

<><><><><><>

IT-Expo

उपमुखमंत्री सुरिंद्र चौधरी होरें जम्मू दे कला केंद्र च पैहली-पैहली आई.टी प्रदर्शनी दा उद्घाटन कीता। कार्यक्रम च डिजिटल जागरूकता गी बढ़ावा देने उप्पर ध्यान केंद्रित कीता गेआ जिसदा मकसद लोकें गी आनलाइन उत्पादें गी कियां सुरक्षित तरीके नै खरीदना लोडचदा तां जे कुसै बी डिजिटल साइबर धोखाधड़ी थमां बचने दे बारे जानकारी बनाना ऐ। अपने संबोधन च उपमुखमंत्री होरें डिजिटल साक्षरता ते सरकार दे प्रयासें दे बारे बी जोर भरेआ तां जे खिते च साइबर सुरक्षा गी बढ़ावा थहोई सकै। प्रदर्शनी च बकख-बकख प्रदर्शनी लाने आहले आई.टी सरबंथी नमें हल गी प्रदर्शित करडन ते मजूद लोकें गी आनलाइन खतरें थमां बचाने च मदद करने लेई कार्यशाला बी आयोजित करडन। एह आयोजन आई.टी पेशेवरें बश्कार नेटवर्किंग ते सहयोग लेई इक मंच बी प्रदान करोग।

<><><><><><>

PM Mann Ki Baat

प्रधानमंत्री नरेन्द्र मोदी अपने माहवार रेडियो कार्यक्रम "मन की बात" दे राएं औंटी 29 दिसम्बर गी देश-विदेश च रौहने आहले श्रोताएं कन्नै बचार सांझे करडन। हर म्हीने दे अखीरले ऐतवारें दिनै 11 बजे प्रसारत होने आले इस कार्यक्रम दी एह् 117मीं किशत होग। कार्यक्रम च शामिल कराने लेई लोक अपने बचार टोल फ्री नंबर 1800-11-7800 पर फोन करियै जां फही नरेन्द्र मोदी ऐप पर बी इस म्हीने दी 27 तरीक तगर भेजी सकदे न। मन की बात दा प्रसारण आकाशवाणी ते दूरदर्शन दे समूलचे नेटवर्क पर कीता जाहग। एह्दे इलावा एह् प्रसारण आकाशवाणी खबरें दी वैबसाइट ते न्यूज़ ऑन ए.आई.आर मोबाइल ऐप पर बी उपलब्ध होग। एह्दे कन्नो कन्नी आकाशवाणी समाचार, डी.डी न्यूज़, प्रधानमंत्री हुंदे दफ्तर ते सूचना ते प्रसारण मंत्रालय दे यूट्यूब चैनलें पर बी एह्दी लाइव स्ट्रीमिंग उपलब्ध होग। आकाशवाणी परा मन की बात दे प्रसारण दे तुरत मगरा मकामी भाशाएं च एह्दा अनुवाद बी प्रसारण कीता जाहग।

<><><><><><>

Tennis

टेनिस च भारतीय टीम नै कल सिंगापुर दे Winchester Arena च एशिया ओशिनिया IC Rod laver junior Championship दे अपने दुए लीग मैच च जपान गी 4-2 कन्नै हराई दिता ते अगले बरे स्पेन दी मेजबानी च होने आहली चुनौती लेई योग्यता हासल करी लेई। भारत दी अराध्या, क्षितिज, सोहिनी मोहंती, समर्थ संहिता ते रिशिता बसिरेड्डी होरें चऊं इक्कले मकाबले जित लैते न जिस करी मकाबले च उंदी थाहर पक्की होई गई ऐ। जपान मर्दे ते महिला डबल्स मैच जितने च कामयाब रेहा। इस कौलां पैहले भारत नै अपने पैहले लीग मैच च सिंगापुर गी हराया हा।

<><><><><><>

Weather

जम्मू-कश्मीर च सीत लगातार बधदा जा करदा ऐ। जम्मू च जंदी रातीं दा घट्टोघट्ट तापमान 5 इशारिया 1 डिग्री सैल्सियस दर्ज कीता गेआ। तोआई श्रीनगर च जंदी रातीं इस रूतै दी सब्बनै शा सर्द रात रेई ते तापमान मनफी 6 इशारिया 2 डिग्री सैल्सियस रिकार्ड कीता गेआ। घाटी दे केई इलाकें च कड़ाके दी ठंड पवै करदी ऐ। घाटी दी मशहूर सैलानी थाह गुलमर्ग च घट्टोघट्ट तापमान मनफी 6 डिग्री सैल्सियस ते पैहलगाम च मनफी 8 इशारिया 2 डिग्री सैल्सियस रेया। भारती मौसम विभाग नै अगले 7एं दिनें दरान जम्मू-कश्मीर ते हिमाचल प्रदेश च बड़ी जबरदस्त ठंड पौने ते सीत लैह दी भविक्खवाणी कीती ऐ। मौसम विभाग दा आखना ऐ जे अगले द'ऊं दिनें दरान इस चाल्ली दी स्थिति पंजाब ते राजस्थान च बी दिक्खने गी लब्बोग।

<><><><><><>